


CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
NOV 22 1932

~~57421~~ / 83 T 5403 / 83





太師誠意伯劉文成公集卷之十

哈佛大學漢和
圖書館珍藏印

芝田令新陽後學萬

甲續梓

喬孫標男宗

燏編

歌行

送陳庭學之成都徹照磨任

君不見岷山導江戒南紀噴雨噓雲九千里瞿唐劍閣鍵重
關錦城花繞成都市雄藩作屏鎮羗夷列郡五十爪牙之長
夏雪山連太白玄冬熱海蒸坤維

聖皇握符御宸極烟塵不起鯨波息鳳凰麒麟在郊藪川后
嶽靈俱效職籌邊樓上羅俊良况子敏學年方將將軍幕府
曾試用驍駟熟路宜騰驤太艚揚帆泝江水東風漫漫吹蘭

芷綵衣鶴髮對晨昏有酒盈尊甘且旨吾聞峒嶽上與井絡
通風氣隔閩華與戎九夷八蠻濡帝澤廟堂已得攻心策

爲王輔卿郎中題雪灘寒鴈圖

雲茫茫水浪浪林木脫葉無稻糧烏啼鴈叫天蒼涼歲云莫
矣江山長有竹有竹在高岡三株凍折兩復僵小禽悲飛不
能揚蒼梧悠悠隔沅湘欲往從之川無梁願披寒霄見朝陽
勿令嗷嗷傷我腸

漁樵問答

樵問漁江湖風波惡何似采薪人無憂茹藜藿漁答樵山中
何所有未若擢扁舟得魚卽沽酒

題王允章梅花圖

會稽老王拙且癡能畫梅花稱絕奇春牕走筆生古怪中有
窈窕傾城姿八生得閑真是好得閑不閑惟此老布袍鬪茸
髮不梳一生只被梅花惱天生梅實可和羹爾梅有花結不
成世間花實總尤物不如畫圖終古無枯榮

琴歌贈劉元明

龍門獨樹冰繭茲空林霜清鳴暗泉姮娥抱桂寒不眠離鸞
怨啼風滿天琴潭殷雷龍起蟄月落太陰山鬼泣湘江秋水
一劍明帝子歸來聞珮聲扶桑浪翻碣石改東海魚飛入西
海白雲去盡天茫茫十二玉樓深夜涼

二鬼

憶昔盤古初開天地時以土爲肉石爲骨水爲血脉天爲皮
崑崙爲頭顱江海爲胃腸嵩嶽爲背脊其外四嶽爲四肢四
肢百體咸定位乃以日月爲兩眼循環照燭三百六十骨節
八萬四千毛竅勿使滯邪發洩生瘡痍兩眼相逐走不歇天
帝愍其勞逸不調生病患申命守以兩鬼名曰結璘與鬱儀
鬱儀手捉三足老鴉脚踏火輪蟠九螭咀嚼五色若木英
身上五色光陸離朝發暘谷暮金樞清晨還上扶桑枝揚鞭
驅龍扶海若蒸霞沸浪煎魚龜輝煌燿昏幽暗燠煦草木
生芳蕤結璘坐在廣寒桂樹根漱嚙桂露芬香菲啖服白兔

所擣之靈藥跳上蟾蜍背脊騎指光弄影蕩雲漢閃奎燦壁
葩花攜手摘桂樹子撒入大海中散與蚌蛤爲珠璣或落巖
谷間化作珣琪人拾得喫者胸臆生明翠內外星官各職
職惟有兩鬼兩眼晝夜長相追有物來掩犯兩鬼隨卽揮刀
鉞禁制蝦蟇與老鴉低頭屏氣服役使不敢起意爲奸欺天
帝憐兩鬼暫放兩鬼人間娛一鬼乘白狗走向織女黃姑磯
槌河鼓塞兩旗跳下皇初平牧羊羣烹羊食肉口吻流膏脂
卻入天台山呼龍喚虎聽指麾東巖鑿石取金卵西巖掘土
求瓊巖訇洞砮石梁折驚起五百羅漢半夜撥刺衝天飛
一鬼乘白豕從以青羊青兔赤鼠兒便從閣道出西清入少

微浴咸池身騎青田鶴去採青田芝仙都赤城三十六洞主
騎鸞翳鳳來陪隨神魁清唱毛女和長烟裊裊飄熊旂蜚廉
吹笙虎擊筑罔象出舞奔馮夷兩鬼自從天上別別後道路
阻隔不得相聞知忽聞韓山子往來說因依兩鬼各借問始
知相去近不遠何待不一相見敘情詞情詞不得敘焉得不
相思相思人間五十年未抵天上五十炊忽然宇宙變差
六月落雪冰天達龜鼉上山作窟穴蛇頭生角角有岐鱗魚
掉尾斫折巨鰲脚蓬萊宮倒水沒楣攙捨枉矢爭出逞妖怪
或大如甕盎或長如蜈蚣光爍爍形躩躩叫鹿豕呼熊羆煽
吳回翔魑魍天帝左右無扶持蚊蠱蚤蝨蚋蚋嗜膚啞血

圖飽肥擾擾不可揮筋節解折兩眼瞋不辨妍與媸兩鬼大
惕傷身如受榜笞便欲相約討藥與天帝鑿先去兩眼象使
識青黃紅白黑便下天潢天一水洗滌盤古腸胃心腎肝肺
脾卻取女媧所搏黃土塊改換耳目口鼻牙舌眉然後請軒
轅邀伏羲風后乃牧老龍吉泰山稽命魯般詔工倕使豐隆
役黔羸礪斧鑿具鑪錘取金蓐收伐材尾箕修理南極北極
碓幹運太陰太陽機檄召臯地示部署獄瀆神受約天皇墀
生鳥必鳳凰勿生鳥與鷓生獸必麒麟勿生豺與狸生鱗必
龍鯉勿生蛇與蠃生甲必龜貝勿生喻與螟生木必松楠生
草必薺葵勿生鉤吻含毒斷入腸勿生枳棘覃利傷人肌螟

蝗害禾稼必絕其蟻蚍虎狼妨畜牧必遏其孕孽啓廼天下
蠢蠢氓悉蹈禮義尊父師奉事周六公魯仲尼曾子與孔子
思敬習書易禮樂春秋詩履正直屏邪歆引頑嚚入規矩雍
雍熙熙不凍不飢避刑遠罪趨祥祺謀之不能行不意天帝
錯怪恚謂此是我所當爲眇眇末兩鬼何敢越分生思惟呶
呶向矚盲洩漏造化微急詔飛天神王與我捉此兩鬼拘囚
之勿使在人寰做出妖怪奇飛天神王得天帝詔立召五百
夜叉帶金繩將鐵網尋踪逐跡莫放兩鬼走逸入嶮巖五百
夜叉箇箇口吐火搜天刮地走不疲吹風放火烈山谷不聞
杉栢樗櫟蘭艾蒿芷薺茅茨燔焱熨灼無餘遺搜到九萬九
千九百九十九仞幽谷底捉住兩鬼眼睛光活如琉璃養在
銀絲鐵柵內衣以文采食以麋莫教突出籠絡外踏折地軸
傾天維兩鬼亦自相顧笑但得不寒不餒長樂無憂悲自可
等待天帝息怒解猜惑依舊天上作伴同遊戲

寄江西黃伯善兄弟

我思美人乃在洞庭之陽彭蠡之陰衝波亘天三百里離恨
比之應更深揚瀾咆哮左蠡怒白日慘慘玄猿吟欲往從之
憤余心寵鼉鼉晚不可以駕風撻撻兮雨滢滢望厭原之飛
烟邈匡廬之高岑霞標日觀蠡南斗石門雙闕撐欹欹虹旌
兮翠羽昌容兮鳳凰舞葭衣兮菑襟玉笙吹兮紫鸞音望不

見兮悲莫任江
水湛湛愁楓林
西來文魚曾到海
願寄筆札
逾兼金

題安仁余氏畱餘堂

君不見石季倫
對案方丈皆八珍
珊瑚夜光視如土
寧知汜
沒同埃塵又不
見李贊皇平生鼎
食滿萬羊中厨
烟火宵未
冷詔書趣使趨
南荒金谷名園委
蔓草平泉荆棘無
人掃榮
華瞬息可奈何
空令過者傷懷抱
世人積金貽子孫
一朝金
盡難復論古來
天道有好還君看
漢代千公門

送胡季瑊平江監倉

君不見棠谿沙
中金又不見龍門
山上桐
桐衝波

石溜漱嚙欹雷
風梓人桃氏不見
顧自分委棄蒿櫟
同一壘
清廟作雅樂搜
索絡繹奔垂工飛
廉鼓鑄王爾斲熾
炭利鑿
相治礪朱絃橫
絙筍簾立鎮圭
衮冕齊雍容世間
物理有消
息累土自可成
穹隆司倉雖微君
莫棄君不見魯叟
當年嘗
委吏

弋陽方氏壽康堂

先生築堂依林
臯繞屋杉松浮翠
濤烏皮靈壽扶鶴
髮項有
千歲雙垂條小
孫踉蹌竹馬戲大
孫綵衣花底翽有
耳不聆
闐闐音有目不
識簿領曹鷺啼燕
語日高起羽觴沉
沉浮春
醪君不見非熊
老人釣清渭九十
鷹揚亦勞瘁

爲杭州鄭善止題蓬萊山圖

君不見大瀛海中有神嶽如崑崙周遭四城五十里石骨纏繞扶桑根琪華爛日珠炫夜翠樓玉殿虎守闔鍾山燭龍在其北兩眼華煜如朝暉仙人東王公掌握天紀弼帝尊長虹爲轅龍作馬飄然乘風白日在下弱水蕩蕩無力可負芥自從大禹刻石之後來者寡彼秦之皇其貪如狼而漢之武其欲如虎樓船萬斛空巍巍欲到不到風掣之徐市蜉蝣身乃欲邀安期文成五利小豎子羊質彊使蒙貍皮神仙大笑起濤浪射魚海上夫何爲

壽山福海圖歌

吾聞軒輶之國乃在大海之中央其不壽者八百歲壽者萬與天地同久其樓臺縹緲造雲漢赤日繞戶扶桑涼玉泉之水清以香瑤草之味如瓊漿洪崖有時來環珮聲琅琅鳳凰自歌鸞自語青蜺連蜺白雲舞淋漓豹髓浮瑤觴璫錯金盤薦麟脯耳聞楚水泣皇英眼見商郊葬彭祖琪華玉樹宵有光東風入律春茫茫春茫茫樂無極青驩夜夜月中來廣寒姮娥寄消息

送人分題得鶴山

丁令威乃在崑崙之墟閩風之巔羽衣誤作塵土夢回首人世三千年空中落日松栢冷苦霧慘慘含悲泉夢隨回鷺訪

瓊田紫雞青鴨還相憐
丁令威將奈何野有罾繳隰有網羅
前飛烏鳶後鴛鴦啄腥芋腐聲嘍囉
渺予懷兮隔烟蘿杳冥冥兮倚長歌
丁令威胡不歸槐江之山連大隗
玉樓金嶂中天開玲瓏碧樹鏘瓊
瑰鳳凰有閣鸞有臺君胡爲兮獨蒿
萊丁令威歸去來

寄宋景濂

四首

我思美人乃在仙華之山
山前夜半掛河漢天津兩旗俯可
攀我欲從之阻河關初平不來
白羊死瘦骨蝕盡莓苔頑風
沙蕭蕭隔人間玄霜日夕凋
玉顏有烏有烏丁令威側身下
上空孤飛女媧石墜鼈脚折
海水散作雲霏霏山中有奇樹
一華一千秋美人何不折寄我
使我歎恨長凝眸深沉洞谷
山鬼集陰氣六月冰霜留嗟哉
美人誰與儔明年定約赤松
子與爾羣峰頂上遊

有美一人兮美且仁
自我不見兮不知幾春
仰玄穹兮睇參辰
爲合爲離兮孰測其因
青冥無階兮江海無津
風雨茫茫兮蛟龍怒
嗔安得羽翼兮致我與隣

有美一人兮美且都
青霞爲衣兮白雲爲裾
被秋蘭兮佩珣玕
泰和與游兮中黃與居
瞻望弗及兮芳歲其徂
山高水深兮道阻且紆
安得羽翼兮致我與俱

有美一人兮在山中
蒼眉黑鬚兮玉雪其容
飲沆瀣兮食紫

虹瀑石泉兮灑清風 邀初平兮從赤松 超逍遙兮樂無窮 安得羽翼兮致我與同

題謝臯羽傳後

阮籍哭窮途墨翟哭 素絲賈誼上書期 寤主卞和抱玉無人 知人生有情不可塞 謝生慟哭非狂癡 神奔鬼遁天地革 龍魚貓虎三辰黑 黼裳玄衮換毳裘 鞮唱羌歌滿中國 生也何辜逢此時 有才不用空男兒 伯益丘墟管仲沒 孤根弱植誰扶持 旣不能學申胥 頓首血沾臆 卻具再建荆社稷 又不能學鄒衍 長號靈帝關 飛霜六月妻燕山 空將淚灑荒岡雨 添作秋濤撼江漣 君不見杞梁之妻善哭 夫哭得成 婦哭得成

夜猿叫罷天晦冥 哭聲搖動虛危星 瀟湘竹死鳳凰去 但見白波連洞庭 嗚呼此士今安在 金石可銷心不改 應將魂魄化精衛 衛取南山填北海

松陽周處士冰壺歌

冰壺者枯蒼周處士之所以自號也 夫冰太陽寒水之凝而壺者器也 水凝爲冰至柔而變爲剛 天下之剛莫尚焉 壺之貴者以玉爲之 雖粟而冰乎其腹 僕切異之 於是平歌以諱焉 歌曰

陰風吹空寒凜冽 玉壺夜半玄冰結 十二樓中鎖翠鸞 太微宮裏懸明月 明月流光照玉壺 珠飛上天滄海枯 青女鍊霜

封貝闕燧人炳犀龍泣血銀河凌漸膠北斗五色石裂媯皇
走相看一笑天茫然回首八閭三萬年

寶林同講師渴馬圖歌

天既馬神龍姿目如明星耳如錐拳花鬣毛雲陸離揚鬣掉
尾頰虹飛天廐馬閑且驕熟以青絲勒以鑣渴不得飲瑤池
泉飢不得食瓊田苗豆粟不實中腸枵口不能語足屢躑天
廐馬壯且武食主之食須起主莖秣失時罪在牧圉無如宋
牂怨不得嚼咀喪厥元戎師旅天廐馬爾不聞趙國廉將
軍一飯斗米肉十斤被甲鞍走若雲北斬粟腹西拒秦負
荆謝蘭不爲身至今天下良臣又不聞漢季劉荆州有牛

千斤角曲觶啖食十倍於牛牛負重不若一牝鹿老瞞度江
俘楚囚骨肉解剖庖刃游下八廐馬飽爾食草間封狼追誅殛
威弧撥刺矢不直嗟爾神馬須盡力他年定遇田子方櫪上
優游終主德

青羅山房歌寄宋景

若有人兮乃在大江之南河之東連山倚拔瀛海上上與
河鼓天津通憶昔四女下天來遺鬢墮髭根麗鴻仙華傑出
最怪異望之如雲浮太空峯窈窕巖齧齧不可上蒼蔚雜樹
昏臃臃虎龍咆號猿鶴叫山鬼呵歛生悲風嗟哉若人兮胡
爲乎其中梁檀栢兮柱桂楓結青蘿兮以旃幪不剪不伐兮

不鹽以攻晨嵐暮靄滴晴雨烟條霧葉相蒙龍繆繆兮纏纏
葦葦兮蓬蓬繚糾要紹兮若蒼龍垂胡降玄穹琴麗披離兮
若翠鸞振迅飛氄氄鸚黃和鳴桑扈應髣髴牙曠之絲桐幽
泉發寶鏘玲瓏六月赤日收蘊隆陽凌陰蓄春融融巖花澗
草紛白紅有時皇初平清夜騎羊朝帝君瓊蕤羽蓋冰玉珮
華月閃爍光成虹松吹笙兮竹舞翮影旆旆兮聲淪淪娛目
悅耳兮樂不可言世間塵土何夢夢山有芝隰有藟石鑿鑿
兮水滌滌猶若人兮美且充飢食倦息兮可以保我躬逍遙
兮棲遲又何必訪廣成于壑淵

題仲山和尚羣魚圖

濠梁之樂誰能寫袁蟻死後無畫者上人安知身非魚援毫
貌出態更殊剡藤素拂秋雲冷眼前驚見滄江永翠尾輕披
水上萍玉鱗倒漾空中影前行十二相廻環吹澗煦沫淵沔
間最後羣趨儼成列皎若寒霄舞流雪卻思昨夜風雨來赤
鯉已去隨奔雷鯁鱸不作霄漢夢潛心泳暖何悠哉贈言還
畫重太息芒鞋竹杖今何適慎勿作海水洶湧龍崢嶸空令
素壁凝塵生

爲本大師題唐臨晉帖

乾符天子萬機暇宮中扈從多儒冠玉堂開宴出晉帖翠氣
蕩搖山雪寒侍臣模寫各臻妙碧樹瓊柯相照耀令孜嗟嘆

詩意集
至尊喜內官拜舞宮娥笑日斜宴罷歸內園外門有事人不
言君不見關東夜飛赤白丸昭陵玉匣秋風酸

題老翁騎牛圖

白日上悠悠竹梢霧已收晴天不易得及時當放牛鄰家放
牛多兒童我家無兒只老翁寒衣在機織未就原上烈烈多
高風勿言衰老筋力薄有牛可放殊不惡但願天公不相惱
牛背閑眠飢亦好

題也先進德祖母徐氏節義傳後進德之祖以戰死時
其祖母年尚少

鳳乃鳳之匹麒麟乃麟之儔錦衾角枕期白髮誰知不得同山
丘丈夫殉節殞烽矢英靈在世何曾死兩龍未合延平津白
日無光天色紫君不見青松與兔絲引蔓相纏縈松摧絲蔓
斷結根猶作千歲苓洞房含風霜露早孤兒啞啞在懷抱皇
天可憐兒長成相見黃泉情亦好

題金谷園圖

君不見石家名園擬黃屋蜀錦作園金作谷暖香烘日浮紫
霄冰紈火布鮫人綃燕釵十二歌白苧珊瑚玲瓏綠珠舞月
榭吹笙引鳳凰霧幄傳觴語鸚鵡燹下蠟光宵未歇樓上佳
人碎瓊雪空將遺恨寄丹青留作千年覆車轍

初夏卽景

前日大熱釋我裘昨日一雨涼如秋寒暄倏忽反覆手冰炭
着體何由瘳今朝初晴又欲暖園中草芽札復抽嗚呼安得
伶倫吹嶰竹四氣不愆同玉燭

畫竹歌爲道士詹明德賦

我所思兮在瀟湘蒼梧九疑渺無際但見綠竹參天長上有
寒烟凝不飛下有流水聲琅琅中有萬古不盡離別淚化作
五色丹霞漿穿崖貫石出厚地風吹露漑宵有光我欲因之
邀鳳凰天路修阻川無梁孰知西史解人意能以造化歸毫
芒虛堂無人白日靜使我顧盼增慨慷玄霜慘烈歲將宴蹊
啼聽叫天悲涼我所思兮杳茫茫山中紫笋春可茹歸來無

便遙相望

題蘭花園

幽蘭花在空山美人愛之不可見裂素寫置明窓間幽蘭花
何菲菲世方被佩蕢葦施我欲紉之充佩褱畏獨立衆所
非幽蘭花爲誰好露冷風清香自老

送葛元哲歸江西

我昔筮仕筠陽初官事窘束情事疎風塵奔走僅五椽滿懷
荆棘無人鋤明堂大開壯梁棟散木不遺椽稅用豫章江上
一逢君矯矯雞羣一孤鳳城頭月出明星稀開門望月露沾
衣文章繡衣郎談笑天葩飛得句卽高歌驚起烏鵲穿林霏

呈流雲散隔吳楚有時夢君詩上評座中百谷合清暉
外飄風度疎雨我住青山耕晚霞君去蟾宮折桂華
別來入見秋鴈過忽然會合堪長嘆江南二月草未
秀雪陣如濤袞清晝投壺命觴盡文友此樂百年何
日又一朝復一朝三歲如過電四牡彭彭子獨賢江
東山水看一遍人間事萬不齊我馬向南君向西海
門日照魚浦白驪歌欲斷吳雲低枯蒼山臨川水相
思迢迢一千里山高高兮水深深極望不見愁人心
應將旅魂夢化鶴永夜月明懷好音

題釋驂圖

關中小兒勇而競玉帳貔貅三百乘焉知道上十二皇天

默佑周同姓絳宮大鴈吼如雷墨車戴甲光照緞鷹騰二陵
間劍鋒自皚皚壯士百戰腦塗地元帥束縛坐草萊俘囚有
血堪鬻鼓自分殘膏染齊斧萬死一生直望外豈意片言由
內主鴻鴈曾傷弓尚爲空卷愁犀兕脫匣出聞呼肯回頭河
邊解驂徒謗謀舟中稽首心悠悠濟河封口勿云晚此事終
作晉國羞君不見夫差違子胥空灑姑蘓泣丈夫深戒婦
仁養虎遺患悔莫及

題錢舜舉馬圖

失輿公子雅好奇欲把丹青競天巧花蜂柳鶯看已足貌得
驂駟圖更好浪花滿身蹄削礪兩耳抽出春筍尖風鬣欲拂

言意集
九霄霧隔目似掛高秋蟾昨者王良失鞿鞞封狼咆哮蛇豕
闕天閑乘黃越在野出車未見歌南仲嗚呼安得此馬背負
郭令公掃清四海歸奏明光宮

題王元章梅花圖

道人紅顏映髭雪欲與梅花鬪清
潔夢魂化作梅花神貌得
梅花最奇絕高軒落筆常晴曦北
風吹樹寒雲垂九霄露洗
珠玉盡野水影動龍蛇枝勞生苦
被煩熱惱見此令人暢懷
抱虛堂夜半明月入玄鶴一聲驚
絕倒西湖處士骨已槁湖
上淡烟迷蔓草石壇日夜長蒼苔
紫脫瑤英爲誰好羅浮山
在何處聞道其間無散木只有梅
花三萬樹黃初平在金華

山中白羊許借我與爾並駕凌飛霞

題縣崖蘭花圖

洞庭一夜西風起沅湘美人隔秋水翠蕤玉佩冷不收怨入
蒼梧九千里蒼梧之山絕浮州上與女媧所鍊之石相牽連
瘦根迸雲石爲穿紫莖瓊蕊涓飛泉一開一落三十年歲晏
玄霜白日長南山桂枝化爲棘我欲采之無羽翼月宮青鸞
呼不來臥看月明空太息

題雪汀圖

天茫茫地茫茫雲垂日白江水黃
踈鳥凍縮龍走藏雪花如
月開樽桑彼何人斯一葉航手持釣竿詠滄浪詠滄浪倚道

詠意仙文集
遙天風吹入瑤池去素女素娥應見招

爲董楚芳題山水圖

金庭接四明會稽藏禹穴半嶺生白雲如瀉湧溟渤我住城南
隔天鏡朝夕看山見山性是誰摹寫作畫圖展向高堂色
相映天上寶書緘石室翠栢蒼筠曉蕭瑟有蛟如龍身九屈
林深嶂疊不見日龍氣吐爲烟霧出何處樓臺香藹中蓬萊
只在雲門東陽崖不畱建木影陰澗自起樵人風賀知章今
已矣湖邊酒船爲誰艤赤城霞標通宛委陵茗花開落松子
蕙帶荷衣歸去來清泉素石無泥滓

寄陶中立郭秉心敘舊言懷

爲別未五載恍如生死隔有時長想愁欲狂中夜感歎無羽
翼憶昔相逢俱壯年錢唐柳綠花含烟粉墻繚繞子雲宅華
燈照幙自草玄春城飛雪滿一月立馬敲門馬蹄沒銅壺驍
箭三十六易坐更投鏃相挖仰天大笑催命觴酒多雪急天
莽茫論文握手到爾汝知有膠漆無參商君行卻向江東去
我亦棲遲廣文署震澤風驚白鴈秋玉山露落青楓暮井邑
蕭條劫火餘行人何處問緘書傳聞那得辨真假引領遙望
空嗟吁今年飄泊越城裏重見手書悲且喜舊遊雖在舊人
非獨立看雲淚如水羨君絳帳開海濱綵衣堂上坐陽春艱
危大幸適樂土况有主翁賢且仁嗟余數與時不偶西虎不

成祗類狗家鄉蕩析身轉蓬棄置田園事奔走豺狼在郊蛇
在藪府縣官曹但糊口藩垣久厭邊鄙報旄丘載馳徒疾首
郭公子今何如璞中之玉可照車委棄土壤慚砭砭往事轉
頭同過翼猿鶴蟲沙豈終極南山直榦劈雷電般匠束手無
顏色殷勤寄情素會面未有期願言努力各自慰莫遣青鬢
先成絲

和吳以時秋夜長篇

秋夜長今日何日此何鄉流螢在砌苔在墻明星滿天月照
牀東西南北路渺茫車何爲乎水中央秋夜長今日何日此
何鄉

潛溪圖歌爲宋景濂賦

金華山水天下希潛溪龍門尤絕奇羣峰峻極河漢上一峰
獨立芙蓉陂先生結廬在其下文追班揚兼買馬遂令此山
增壯觀野有樸櫟皆梧檟上清道士方方壺乘輿爲作潛溪
圖丹崖翠麓神仙居東望日出樹如蘓溪流穿林還度谷十
里一達五里伏龍湫吐景生白虹藤蘿振雨松呼風卻憶往
時清夜月帝女乘雲下天闕鍾鏞鐃簫鼓發霓裳羽衣飄
滅沒初平騎羊前啓行長髯鬢鬢飛玉霜秦娥吹笙玄鶴舞
牽牛河鼓凝寒芒相思迢迢頻入夢夢駕兩鸞從一鳳覺來
毛髮猶爽浙目送征鴻度空碧山有疏水有魚幽澗有泉青

可與何時上疏乞骸骨寄聲先遣雙飛鳧

題陸放翁賣花叟詩後

君不見會稽山陰賣花叟賣花得錢卽買酒東方日出照紫陌此叟已作醉鄉客破屋含星席作門濕螢生竈花滿園五更風顛雨聲惡不憂屋倒憂花落賣花叟但願四海無塵沙有人賣酒仍賣花

題柯敬仲墨竹花石

紅桃花天天綠竹葉粼粼水邊石上相依倚恰似佳人配君子奎章博士丹丘生寶書鑑盡芸閣清染朱涅翠歸墨筆收入造化無逃形烟濃風暖春如醉竹有哀音花有淚花枯竹死今幾年空留手跡令人憐

爲包與直題太一真人圖

太一真人麗眉須不知所持何代書既不學昴星降精下輔隆準公又不學傳說請帝通夢寐左右商王陳範謨眇然一葉蓮花莠清秋風吹落泥塗紅凋粉瘵不可扶君何爲乎以爲桴蕩漾九河凌五湖誇耀水伯驚天吳坐令文成五利之輩假借神聖欺庸愚靈旗風翻壯荆符麈鹿無鬼夫何辜漢宮天祿連石渠金釭銜壁麗綺疏青藜有燄如芙蓉何不分餉依光夜積之徐吾高堂耽耽縣畫圖作歌一笑駭里閭

爲戴起之題猿鳥圖

牧谿画

巴東之西巫山高連峰插天關鍵牢中有懷凌簸谷之波濤
藤蘿杳冥風怒號人跡不到神鬼逃但見野猿沙鳥羣相嘈
整取百竅搖巖壑此景可聞不可遭爾何爲乎貌以毫毛嗟
哉用心無乃勞江盤峽束雷雨昏崩崖死樹纏古根玄猿抱
兒隨白猿長臂嫵媚相攀援祿啖譎詭趨騰鸞縣柯攫石墜
且掀上有滿月如赫盆實當桃枝寒自蕃嘉實不食鳳高翻
但見娥皇女英之淚痕勢窮險盡原野闕落日烏鴉繞雲黑
秋花茫茫蘆葉赤前飛鴉鷓後見鷓瀟湘洞庭州水碧騶虞
鸞驚無顏色還君此画長太息獨立看天淚沾臆

題界畫金山圖

岷山導江入海長金山卻在江中央下有地軸連扶桑上有
鳥道通九陽白波繞之如雪霜杳然浮空或低昂但見危樓
峻閣造牛斗一似蓬萊之鏘鏘撞金伐革殷朝夕丹雘翠葩
相焜煌巖崖洞谷蛟龍堂斑鱗錦紋顏頰張隱鱗窈窕變眩
豕虎啼豹跡萬古不可到海若夜出烟霞香摩尼之珠明月
光目連持來自西方謂能驅遣毒沴消災殃轉惡爲善回禎
祥嗟我欲往不能翔西中忽見心飛揚涉水有鼉野有狼武
陵桃花今渺茫浩歌一曲增慨慷

題界畫臥龍山樓閣圖

巍巍乎大海之西浙河之東是日會稽夏后所封吞雲吐雨

讀意集
隔躔次闕關光景調春冬地平天成五千載職貢長與中華
通洞天石室神仙宮香爐紫氣騰芙蓉禹穴窈窕潛蛟龍玉
書金簡今無踪但見蒼松翠柏掩曖閉白日猿狖叫嘯生悲
風臥龍何蜿蜒向之離立如孩童上有朱薨碧瓦縹緲浮玄
穹流星穿牕月掛戶下視水木光玲瓏多年不見嘗膽處野
花自落莓苔中綠蘋香飄楊柳濃漁舟一葉波溶溶黃冠賀
老已寂寞澹烟細雨空青楓鴈山狂客意匠工能以翰墨偷
天功對此使我心神融便欲築室依龍從短衣瘦策尋葛洪
嚙服石髓餐晴虹翩然遠逐浮丘公不須懷古意慘戚伯夷
綺季俱蒿蓬

陳彥德以画見贈歌以酬之

君不見昔者米南宮又不見今時趙學士能將翰墨爭鬼工
天下流傳名父子楛蒼處士身姓陳小郎英俊尤可人欲收
大地入掌握筆意所到如有神曉携小幅來贈我紅日滿牕
花婀娜開軒展視心眼寬如在岳陽樓上坐湖波吹烟入遠
山君山乃在湖中間蒼梧九疑隔湘浦孤雲日斷幽篁斑漁
舟一葉來何處巫峽雨昏啼鳩暮澤畔行人久不歸沙上輕
鷗自飛去陳公子聽我歌深林大谷龍蛇多蓬萊三島可避
世欲往其奈風濤何

長平戈頭歌

長平戰骨烟塵飄歲久遺戈金不銷野人耕地初拾得土花
潰出珊瑚色邯鄲小兒強解事枉使泥沙埋利器四十萬人
非少弱勇怯賢愚一朝棄陰坑血冷秋復春朽壤食盡蒼蛇
鱗湮淪長愧杜郵劍廢墜空憶椿喉人故壘中宵鬼神入雲
愁月暗戈應泣嗚呼當時豈無牧與頗戈乎不遇可奈何

涇縣東宋二編修長歌

浙東行人過江左正值綈賓之管吹輕葭陰氣黯黯天地閉
仰面不見扶桑鴉谷風哀鳴灌木應雨脚四垂如亂麻崩湍
湧滯汨奔會平地碾齧作日窪使疑桑田變滄海流永熒眼
無津涯菅茅披猖黃竹拜蛙鼃狼籍助喧譁滿路青泥雜隕

籜局縮畏觸蛭與蛇破瓦荒哇舊市井荆榛穢奧巢麕麕翠
眉蟬鬢轉蓬去頽墻缺甃劫火燬善滌禍福不可料韶豔天
闕令人嗟叢祠佛殿總銷歇但見木偶眠泥苴前度長洲絕
短澗與從沾濕水沒勝寒颼瘁瑟透衣袖雖有氈蓋那能遮
水邊老鶴學人立鷺鷥侍傍如小嫖廢田蔓草結旌旆農夫
盡化爲蟲沙布穀不知時事異勸耕終日聲查查晚來雨歇
到涇縣只有蒿荻無人家縣官趨迎入公廨筋攣骨解肉半
麻蕭條破竈冷灰炮飢童凍口張哈呀滹沱麥飯那能致新
豐酒醪何處賒古稱悲歌可當哭莫怪笑謔同兒哇夜深月
出照庭樹鬼燐一似青蓮華驚魂遁魄稍歸舍收入志慮無

詞意何文集
令邪愁雲苦霧子規叫起坐更盼羲和車

爲張生題趙仲穆西馬

天廐之馬高且肥王孫貌出真絕奇杜陵寒儒怕苦飢枉使
韓幹遭誚唾渥洼天馬龍象力朝發太蒙暮西極豆芻五石
充一食力由食生非外得地黃首藉美如飴噉以甘泉清肺
脾神完氣定叱止時素餐立仗馬恥之高風吹鴈酸棗紅狼
烟夜半通回中爲君長鳴起子公斬取郅支歸獻明光宮

爲詹同文題浙江月夜觀潮圖

君不見四時平分成歲功以秋繼夏獨不同炎官挾長握天
柄七月赤日燿玄穹蓐收抱鉞蹲白水野氣赫赫撼赭虹陽

侯喘汗河伯暘少昊上訴愁天公會須萬物長養遂期以仲
月虛宵中此夜姮娥魄正滿命駕四蟾驂兩從指揮禹強出
玄渚蕩滌歆熇清靈蒙河漢發源牛斗下曲江上與天津通
初看一髮起溟微如曳組練來於東漸聞殷鑿鼉鼓發倏忽
萬雷聲撼風天吳掉尾出溟滓馬銜揚鬣招海童霓旌編帳
驚羽幃瑤臺十二浮空濛藥珠仙人乘玉輅騰駕鶴鵠飛毳
氍長庚歛霍掞光耀電母扶龍擘憂銅宓妃起舞素女從瓊
珮絳綵雲幘幪冰綃霧縠紛颯纏霜旂雪旛高翳空鯨魚呀
呬鯨鱗遁蒲牢哮吼馮夷宮瞿唐巫峽起平地灑瀨若象塵
回深先驅已過赤亭嶂後從始發龕山嶺商聲爽浙合羣籟

澤國凜凜寒欲凍先生翫月坐樓上夜氣澄寂神和冲憑闌
快靚煩暑退呼兒命酒澆喉嚨自舞自歌歌自作月照白髮
三千總歌聲迤颺林壑應竹樹憂擊絲與桐淵魚躍波樓鳥
作紫桂繞屋清香融君歌曲終響未終我歌激烈雷征鴻瞠
眸相視俱老矣况有聚病來交攻

聖明天子御宇宙威惠與天相比隆首丘倘許謝讎絆猶有
古月光腫隴行當唱和三百首永與潮汐流無窮

戲爲雪雞篇寄詹同文

我爲先生歌雪鶴逸興翩翩入寥廓先生爲我詠雪鷄扶桑
晝景寒棲迷雪鶴排雲舒六翮長鳴遠逐浮丘伯玄洲巨君

張兩耳聾人踉蹌走如蟻雪雞欲上蟠桃枝白光燦眼流瓊
藕騰身蹋折琅耳樹片片琪華振鷗鷺鶴飛撥刺向遼東海
鯨揚波雪半空縞衣襪袂丹頂素九臯月黑猿嗥風雞啼嗟
嗟夜方永驚起跋烏怨金井羣仙環珮響玲瓏十二王樓烟
霧冷憶昔康回觸折天柱時女媧扶天立天維坤維太白作
天骨萬古至今長積雪上有雪蛆大數長如轆冰蛇雪鼠相
卷蜿味如餒餽色如乳入口清涼生肺腑炎埃蕩滌邪穢除
幽精爽雪游六虛鶴也莫與烏鴉爭腐鼠雞也莫向溝塍拾
禾黍雪寒可畏清可欲洗髓伐毛天所玉雪可嚙兮冰可餐
誰其作友三青鸞

題米元暉瀟湘圖

米家父子皆好奇戲弄筆墨如小兒三百年來傳幾手坐見
銷鑠同春漸丹青馳譽士所恥勉強狗物寧非癡蒼梧之山
鬱欹囂重華往矣空寒鸞猿啼鳳去竹迸淚白日慘淡令人
悲瀟湘洞庭連鄂渚江漢波濤動荆楚不見軒轅張樂時水
妃怨泣鮫人語問君此圖何處得中有遠意衆莫識君不見
岐陽石鼓字泯滅千載猶爲人愛惜

題趙學士色竹圖

竹性本孤直罄折良可憐由來剛介有摧挫歲寒然後知直
堅虛堂無人清氣會日滿高林風影碎潦園蝴蝶去茫茫今
落瀟湘蒼玉佩我思美人淇水隈路永莫致增悲懷雪霜紛
糝嘉實晚不知鳳凰來不來

送黃巖林生伯雲還鄉覲省

生兒須男不須女二十辭家事明主出來卿相出白屋志
士寧甘守環堵天上鬢宮古岸序濟濟衣冠鵷鷺羽學業須
兼文與武濟川期舟早期雨懸髻看書困不眠劬心問道飢
忌咀朝來忽覩林間鴉雛飛哺母聲啞啞慨想高堂缺溫清
稽首天關動天聽春烟蒼茫春樹綠水煖芹芽白如玉
扁舟蕩漾駛歸風綵服飄揚炫晴旭盈門弱柳鵝黃絲鶯鳴
如絃花滿枝開門見兒喜不定問言執手仍牽衣牽衣上堂

拜嘉慶籩豆既具殺且時兒前勸酒還蹈舞親戚滿筵謹笑
語朱顏婉婉映青松鶴髮婢娟照芳醕爲子歌一曲送子江
之湄到家早來旋忽爲兒女慈人生有親樂莫樂况乃
君恩重山嶽讀書不可迂檢身不可疎勸子慎勿學世儒
言恥行名爲愚君不見良金鑄爲器鼎彝烹飪干將利才全
德備稱大賢報國榮親兩無愧

送姚伯淵之清溪河泊所任

清溪之水通秋浦石白水清魚可數鯨鱈鯨鯢與鱖小魚
如鍼大如杵侵晨漁艇浮空來干夫撒網雲烟回鳴榔擊楫
聲如雷水怪駭珠宮閉課魚使者矢魚急馮夷嘘噓龍母

泣琴高赤鯉縱有神何暇超騰作人立吾觀大江之中有壯
魚名曰海豨頭如猪羣行九十其朋徒歎沫成雨倏歘育風
俱旌陽仙人上天去已久平地波濤隨處有春淵潛鱗陟負
水時哉罔俛虞人後小魚瑣碎獺所捐大魚多膏祗自煎君
不見振振鷺白如玉沙頭見魚飢不啄一朝飛上瑤華池紫
鷓黃鶻相追隨俯視禿鶴垂六羽還共野烏爭腐鼠

雙鯉堂歌爲唐侍儀賦

君不見魯陽揮戈回白日又不見耿恭拜井飛泉出精誠白
古格皇天如響應聲非異術長江鯉魚龍伯臣三十六鱗紅
錦勻枕丁尾丙宮淵淪乘駕潮汐扶桑津天憐孝子孝不置

特敕水官宣德意玄冰躍出雙赤鯁頃刻寒谷生春溫之子
高堂髮如絮每懷古人心是慕中庭鑿池專種魚魚行圍圍
隨陶朱晨昏膳羞不遠索翠韭金橙鱸肥白中婦奉餐少婦
進大兒登歌小兒拍合歡花開庭草芳忘憂花開池水光凌
晨上馬出門去彩袖披拂金爐香薄暮言歸拜堂所何况有
魚甘且古忠孝由來同一軌努力揚名煥青史

舊在杭時爲冷起敬賦泉石歌亂後失之今起敬爲協
律郎邀予寫舊作已忘而記其起三句因更足之

君不見吳山削成三百尺上有流泉發蒼石冷卿以之調七
絃龍出大陰風動天初聞涓涓響林莽悄若玄宵鬼神語冷

然穿崖達幽谷竿籟颼颼振喬木永懷帝子來瀟湘瑤環瓊
珮千鳴璫女夷鼓歌交甫舞月上九疑啼鳳凰還思媧皇補
穹碧排挾銀河通積石咸池瀉浪入重溟玉井冰漸相曼擊
玉門旣鑿龍池高三十六鱗騰夜濤豐隆咆哮震威怒鯨魚
捷尾驚蒲牢倏然神怪歸寂寞殷殷餘音在寥廓鮫人淵客
起相顧江白山青烟漠漠伯牙骨朽今幾年叔夜廣陵無續
絃絕倫之藝不常有得心應手非人傳憶昔識子時西州正
繁華箏笛沸晨暮堯離傑休爭矜誇子獨徜徉泉石裏長日
松陰淨書几取琴爲我彈一曲似掬滄浪洗塵耳否往泰來
逢聖明有虞製作超莖英和聲協律子能事罔俾夔摯專其

名

太師誠意伯劉文成公集卷之十一終

